


四明叢書

張宗祥



過宜言卷二

明鄞 華 夏吉甫 著

明鄞 楊晦遵大介較集

明奉宜大夫工部營繕清吏司員外郎九淵華先

生傳

代

嘗歷稽載籍能當一面稱幹臣其品自挺著至於遇或
不及時或及時不大展甚有未嘗一日當寧已隆厥聲
施於後者今昔人何特重遇也余觀起部尙書郎九淵
先生工古文詞精草篆行能不獲徵諸牒而徵諸牒卽

耿耿莫並乃在籍未久以方今脩有權率苟且冀歲月
將若何余知九淵信不朽矣傳曰九淵者姓華氏名顏
字九淵別號心齋其先無錫之梅李人系出南齊孝子
實後孝子二十一葉而生原泉原泉生映映長子承以
宋紹興末寓四明占籍施山則自祖弘首元至元榜來
供職始故及九淵得世有施山而山隸定海之北因自
寓公爲定海人焉九淵父贈工部員外郎傑嘗忝內鄉
攝政清而惠一旦感疾歸內鄉人願致其邑女李氏納
之生九淵今贈起部公與瑜宜人偕歿九淵雖廁名邑

弟子員例食餼口望眼之猶及圯下受書時也李宜人
以故駁九淵令博遊毋處當是時贈起部公素褻賁薄
產不足謀而侈廢產俾九淵讀室益罄李宜人卽龜紉
紉寧能噉多指食以需九淵脯乃九淵故長兄子存義
寡且豪前九淵謂第往耳吾日積壺資足佐斧家幸粥
糜代飢不及必自身蓋之使公愬往而迹絕裾卽今日
何以處不肖義九淵謝唯唯入茗大中丞潘公見若渴
令諸子執鞭九淵意不可應寧國守史公聘一時名士
若鄒君臣虎願與交九淵獨不樂太守邸率寂寞返返

卽入郡向兄子存義所讀余嘗耳九淵奉母不給於鮮
兄子鮮之夜讀不熱於膏兄子膏之以故聲名籍籍冠
蓋閒所居戶屢常滿因積糝補太學曰益事遊足迹幾盡
幅已西領畿薦癸丑成進士時當館試太宗伯孫公因
修隙者刺二難字以不首九淵甲特懸庶常楊揖九淵
力淵執不肯往遂東馬首明年春奉宜人入邸主工部
屯田司事董山陵役有成績忽遭艱去服闋改本部營
繕司監節慎庫六庫廟鉅萬緡稱泉府而歲費不經便
出入者墨沈在錫貢莫應應而兌耗三之一僞易五之

一德徵發實得我於頰而睨不敢稽其用積貯寧不立
盡九淵沈幾極慮絕干請石赤不奪荷先皇帝初立乞
裁煩費杜弊孔誠合卽非制得著爲令卽不合卽制可
芟爲蕪一唯吐納之管是薙毋敢眯睜目以深謀肉而
身城社鼠因上三事請十庫之藏除可經久不朽納作
會有餘輸餒聽貿弗令羶餉塾恣蠹壤以噉我疲民講
吉凶諸禮儉分封自一切器用弗進悅奇技淫巧而鑠
我積珍愼解納採辦借力守土官民敍勞勩爲陞擢弗
厭姦商積蠹壑而蠶我膏血當是時九淵逆知與中貴

人大不便而大司空王公獨才之於是天部郎闕擬九淵名上會有齟齬者因例轉本司員外郎題督兩窯軍器皇城鼎建諸務司節慎庫如故先是攝庫不得他攝事卽無攝事而賄得敗名敢嬪以智術爲他巧者其罪沒九淵冗百疊節濫爲毋乃瘠形苦神祈節用以報主知如府第片瓦成額費薪三十而窯監猶多張瓦以螟值一楠木率三萬金致而司木以不中長不中圍微腐於漬輒報罷廠使例情委國服例遞給權璫貿弊於吏胥吏胥穴竇於牙紀屑輔依而握臙焉而九淵矢當日

帑臣弗先期頓委我弗後期瑣禁我實卽與陶成卽與
埴以用揆材以效償勞止給據以煩司帑者報銷而手
不一涅且事必身之日與操作人按表責成能咄嗟辦
而不苟奏功圖故計額擬費費視舊僅什之二國用每
仰給而子來家不破刀布益饒嘗伏讀覃制曰爾以士
木勤勗事我皇祖考於鳩工之肆習聞爾竭股肱集事
惜銖兩明廉山陵之役三月而奉皇妣以幽宮司庫之
寄年餘而積羨鎡於千萬赫赫聖明知臣節敏豈惟臣
幸不孤天王諒臣勞瘁矣末幾果病病且劇而捧校輿

之勅以行不決旬卒於德州公署時天啓辛酉夏五二十四日也距其生隆慶乙丑春秋五十七歲悲夫九淵性穎捷氣憤滿而外貌雅馴與知邊要灼敵情廣寧陷願得裝帶入戎馬場懸羯奴頭致闕下假令試事凌越次進^對翠幕南庭安知不談笑拾之何有者乃不惜霄漢又窘其月日卒令功業不立見謂非遇耶遺子一名嶽大學生而先是九淵故長兄子存義因好施家計益窘至不敵而殂九淵聞而憐之以是年檄義子夏讀宦所適遇德州而九淵手曰白袍點墨終不可滿山雲老

吏猶知之吾庖節慎時若先子頻舉以簡我我不獲拯
若先子溺若先子寧望我我恨不早見若成名使今日
得下報若先子遂卒夏乃輯九淵前後條議爲疏稿併
舊刻北山小集雁字詩行世而特丐予總九淵生平云
文士亦當盡心

天下需士爲理也亦惟士實不媿於所期而卻令彼輕
重之遂得疵我而忽之謝太傅不離絲竹而身繫天下
安危文潞公綜覈精細而虜使卻立不敢前自何賈絳
灌斬焉分鄙而冤之哉爲文士矣詩書果不可馬上歟

意者尼父不答問陣而誦法者遂從欽俎豆事以某彬
彬治耶然則祭受福戰必克又何以稱耶因及前哲文
事武備之相需謂文士亦當盡心而伸論之夫天不異
治而鑄人也而亦無視所能予人視所不能吝人也祇
此躍頂直立耳而上貳舉下貳履凡頭藉而捍焉心腹
恃而衛焉囊探大將頭於百萬軍而磨墨盾上草露布
有異手歟拱之則捧揖而著義怒之則奮拳而禦侮敬
如不勝於執玉威且吞勢於拔山何投壺之遜言拔獲
豈揮羽之未堪聚米且圭行蹢蹢如循而弁行剡剡起

履有異足歟恪則趾並而山立逸則跳躍而地離因進
退有常處遂命負辰駭震險不搖膝惛寒膽扈陳於舞
而久綴以崇蹈厲野於綿而布武忽肅庭呼然則崇墉
諡文鎬京諡武吁違拂圯而凶不與民俱變首載文思
志蔽命咨而苗隨羽階來格更著文明豈下管象武意
以抑武乎望已亂而旦定治豈明慎罰與尊賢親親道
固歧判乎吾以知盡心之未易也趙括居閒論兵至奢
不能難而眾陷長平是謂辯而愚張浚志圖恢復至浩
端槩可斥而大潰符離是謂怙而腐橫槩賦詩樂府與

新書足矣而髯割於超兜傷於布獻劍險於卓而驚七
信於劉是謂譎而懜臨江澄清聞舞與擊楫俱豪而識
不敵賓變不敵胡長嘯未可摧勒而披丹且見嗤敵是
謂名而盜則何如不依古陣法者戟鬚髯而蒿矢中敵
目也以人論天道貞甚也則何如臨敵不取旨者某賭
墅而兒輩已大破賊也以知人舉親裕甚也則何如猝
然遇虜者鼓灰焚水而八千舟卒皆鐵騎也以捐身任
事亦甚也宋初與契丹九十戰而靈壁之役爲一勝則
布衣獻策時每事堅稱善或非誣李唐玄肅之慘不勝

書而瓜臺之誦爲心苦則運幄服虜時平日好大言或非譽鄢陵重擇帥而事詩書者任元戎焉韞韋注跗皆君子幾再使間執讒者殲焉遷壘於史已而世家子房則詳記拾履以爲得黃石公書所自而基漢四百載甚且貌其爲姣好若婦人定後世儒者氣象之評焉而列傳韓淮陰盡沒其所繇授兵法者不一載矣嚮度囊沙將多益善豈盡天授耶何家貧不善治生而苛譏其不學道謙讓耶李陵降虜甚甘自下於蠶室以盛稱彼有國士風意有以信其所學歟宋統如晉武事各渡南而

愈不振果清言致斃理學滋禍歟懦帥餒於應猝而踞
牀不起下反以爲勇遂奮再整而賀捷名帥不辦禦敵
而鐵意手揮至自擬於亮乃臨行閒而卽殲未可謂善
師不陣善陣不戰也土實不毛而欺言誠首盡掛林木
立按圖以發其奸地善水草而詭言赤里絕無壤澤俟
親履以驚臣識未可謂讀律曆而知阨塞險要分行甲
而善進退施舍也貫手及肘而鼓音不衰敢免胄而趨
風鏑至必射而矢竝不折遂橫戈而荷雪未可謂善技
以花法炫觀短捷以轉身誇捷也表立而艾蘭偃旗右

獲不成擒不獻量馬而滾藤斬木眩目及鐵腰不失寸
未可謂揣摩不貴簡練心手不煩爛熟也以水覆軍以
焚捐壽神於用閒而狙詐咸作使吾甚虞輪扁之屬垣
矣以火牛勝以火雞勝斜軫何自敗以增竈進以滅竈
進祈山亦輟敵變於習成而髣髴信如神吾甚虞沐猴
之毀裂已幕南無庭而汲黯長揖非倨也祇稱臥治淮
陽耳曷不可如發蒙而振落燕然勒銘而班掾手穢也
非刻也能志諷外戚矣亦何其欺主而冒功吾甚虞畔
援之長黨也故言兵凶也言戰危也攻殺擊刺之方粹

擒掃逐之術凡可說也正朔在江南孤窮而伸義帝王
曆數自有真而誓靡此生敢失節孝寬節義獲戰勝於
圍城王導忠誠再反正於奔輿出則方叔召虎覺孫吳
之品不足齒入則稚圭文正併韜略之帙可長恢萬邦
憲尹吉而儒者乃有此人則文士盡心或應在此而不
在彼

虜在吾目中

人臣專闢天子無從中制而本於率懷陳謀使天子明
見出萬里外然後主憂可不西顧而得言謁乃心以忠